

## KUJUK

### **Kujuk**

Pua kumbu tauka kain ti benama baka kain batik enggau kain sungkit dikena mungkur tauka nyerayung lunggu panggang manuk, panggang babi enggau mayuh macham pemakai bukai nyengkaum utai diirup dikena bebuti maya pengerami, kelebihan agi maya Gawai Antu. Kujuk nya enda tau dibuka pengabang pia aja. Iya mesti dikejakuka sereta diperadat ngena pengawa nanka kujuk enggau muka kujuk.

### **Nanka Kujuk**

Bejaku ngena jaku tuai (pengari orang ke beempu pengawa) ngerara gamal enggau pemanah kujuk lalu minta pengari ari pengabang bejaku muka iya. Uing jaku iya endang minta pampas duit ringgit ari pengabang dikena mansi pengelelak enggau pengerugi iya ti beempu pengawa nya nyambut enggau ngintu bala pengabang.

### **Muka Kujuk**

Bejaku ngena jaku tuai (pengari ari pengabang) ngerara gamal enggau pemanah kujuk nya ti diaduka orang ti empu ruai. Jaku iya mega nyangka sereta ngamang semua bansa utai ti dikujuk. Tembu iya bejaku, nya baru tuai pengabang nyuaka duit pemer iya. udah nya baru iya muka selapis ari kain serayung kujuk. Bala pengabang ke bukai mega lalu betangkan-tangkan nyuaka pemer iya diri empu, sebedau sida muka serak kain kujuk nya. Udah seserak-seserak nyentuk ke semua utai ti di dalam kujuk ayan gegera. Udah serak kain kujuk nya dibuka semua, nya baru pemakai tauka ai ti bisi dia tau diempa sereta diirup.

